

為寬民之路似為便當 上曰依議既已入籍則必無不為受牌之理後生更為詳查後處置後從生竟服集示之律○夜良方東方巽方南方有氣如火光○庚午諫院啓曰吉凶之禮各有攸宜毫釐之間不容差失况接待王人係是事大之一節敬使臣所以敬朝廷其為禮誠不可不慎常時吊祭天使本為喪禮而來故接見時雖用素服可也至於頒慶天使事體有別曾在 宣祖戊辰年間封太子詔使出來時 宣廟方居 明廟之喪猶以黑團領行宴蓋所以尊皇命而敬王人也今茲詔使宴享時服色該曹據此為例而 聖教以為不可 宣廟之於大王之喪斬衰之服猶用黑袍 聖上乃於私喪期服欲用白衣臣等竊恐 聖明未之深思也萬一詔使援故事據大義嚴辭斥之則不知國家將何辭以對傷損事體非細事也設令詔使不覺其非不加詰責在我先失其道豈非未安之大者乎請依 先朝故事以黑袍接見以盡遵舊章敬王入之道 荅曰勿為如是徑論以待該曹定奪可也○備邊司啓曰泰安郡守睦叙欽牒呈于本司曰郡地獐島德巖等處漁箭初屬訓鍊都監而丁巳年為梨峴宮所占及至癸亥移屬體府措備糧餉而上年梨峴宮還為奪占本官不得下手依前事目分屬本司以為貿販之資云竊念廢朝時諸宮下人廣占山